

«SAMARQAND AVTOTEXXIZMAT»

Aksiyadorlik jamiyati

УСТАВИ

Мундарижа

1. Умумий қоидалар
2. Жамият фаолиятининг соҳаси (асосий йўналишлари) ва мақсади
3. Жамият устав фондининг (устав капиталининг) миқдори
4. Жамият акцияларининг сони, номинал қиймати, турлари
5. Жамиятнинг устав фондини (устав капиталини) кўпайтириш ва камайитириш
6. Жамиятнинг фондлари
7. Дивидендларни тўлаш
8. Жамият бошқарув органлари, уларни шакллантириш тартиби ва ваколатлари
9. Жамиятнинг фаолиятини назорат қилиш
10. Яқуний қоидалар



**«ТАСДИҚЛАНГАН»
«SAMARQAND AVTOTEXXIZMAT»**

**Очик акциядорлик жамияти
акциядорларининг
2014 йил 28 октябрдаги навбатдан
ташқари умумий йиғилишида
№ 2 сонли Баённома билан**



«SAMARQAND AVTOTEXXIZMAT»

**Aksiyadorlik jamiyati
УСТАВИ
(янги таҳрири)**



«Тасдиқланган»
«Samarqand Avtotexxizmat»
Акциядорлик жамияти
Жамоаси Умумий йиғилишининг
2015 йил 4 майдаги №1 сонли
Баённомаси билан
А.А.Ахтамов

Самарқанд шаҳар ҳокимлиги ҳузуридаги Тадбиркорлик субъектларини рўйхатдан ўтказиш инспекцияси томонидан 2014 йил 13 ноябрь реестрга №11861 раками билан рўйхатдан ўтказилган



«Samarqand Avtotexxizmat» Акциядорлик жамияти
Низомига киритилган узгартириш матни

№	Эски тахрирда	Янги тахрирда
1	8.14 п.8. Жамиятнинг ижроия органини тузиш, унинг бошқарув раисини ва бошқарув аъзоларини сайлаш (тайинлаш), раҳбарнинг ва бошқарув аъзоларининг ваколатларини муддатидан илгари тугатиш;	8.14 п.8. Жамиятнинг ижроия органини тузиш, унинг бошқарув раисини ва бошқарув аъзоларини сайлаш (тайинлаш), раҳбарнинг ва бошқарув аъзоларининг ваколатларини муддатидан илгари тугатиш. Бунда бошқарув раисини сайлаш (тайинлаш) танлов асосида амалга оширилиши ва ушбу танловда чет эл менежерлари ҳам иштирок этиши мумкин. Ўзбекистон Республикаси Президентининг 2015 йил 24 апрелдаги № ПФ-4720 сонли фармониغا асосан
2	8.14 п.9. Жамиятнинг йиллик бизнес-режасини тасдиқлаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай тасдиқланиши лозим.	8.14 п.9. Жамиятнинг йиллик бизнес-режасини тасдиқлаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъқулланиши лозим. Ўзбекистон Республикаси Президентининг 2015 йил 24 апрелдаги № ПФ-4720 сонли фармониغا асосан
3	8.18. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.	8.18. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин. Акциядорлар умумий йиғилишининг қарорига кўра жамият кузатув кенгашининг аъзоларига улар ўз вазифаларини бажариб турган давр учун ҳақ тўланиши ва (ёки) кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳақ ва тўловларнинг миқдорлари акциядорларнинг умумий йиғилиши қарорида белгиланади. Ўзбекистон Республикаси Президентининг 2015 йил 24 апрелдаги № ПФ-4720 сонли фармониغا асосан

87. Акциядорлик жамиятининг бошқарув
золарига куйидагилар киради:

- Бошқарув раиси;
- Бошқарув раиси уринбосари;
- Бош мухандис;
- Бош бухгалтер;
- Жамият булим бошлиги (савдо ва маркетинг, иктисод ва режалаштириш булимлар).

8.37. Акциядорлик жамиятининг бошқарув таркибига
Бошқарув Раиси ҳамда Жамиятнинг асосий тузилмавий
хизматлари ва булинмаларнинг рахбарлари киради.

Ўзбекистон Республикаси Президентининг 2015 йил 24
апрелдаги № ПФ-4720 сонли фармониغا асосан



Прошнуровано и Пронумеровано

21962 / лист 6

Председатель Правления

АО "Самарканд Автотеххизмат"

А.А. Ахтамов





«Тасдиқланган»
«Samarqand Avtotexxizmat»
Акциядорлик жамияти
Жамоасининг навбатдан ташкари йигилишининг
2015 йил 5 июндаги №2 сонли
Баённомаси билан
А.А.Ахтамов



Самарканд шаҳар ҳокимлиги ҳузуридаги Тадбиркорлик субъектларини руйхатдан утказиш инспекцияси томонидан 2014 йил 13 ноябр реестрга №11861 ва 2015 йил 26 май реестрга №12622 раками билан руйхатдан утказилган

«Samarqand Avtotexxizmat» Акциядорлик жамияти
Низомига киритилган узгартириш матни

Ўзбекистон Республикаси Президентининг 2015 йил 24 апрелдаги
№ ПФ-4720 сонли фармонида асосан
Статья 5

№	Эски тахрирда	Янги тахрирда
1	5.1. Жамиятнинг устав фонди (устав капитали) акцияларнинг номинал қийматини ошириш ёки қўшимча акцияларни жойлаштириш йўли билан кўпайтирилиши мумкин.	5.1. Жамиятнинг устав фонди (устав капитали) факатгина кушимча акцияларни жойлаштириш йули билан купайтирилиши мумкин.
2	5.2. Жамиятнинг устав фондини (устав капиталини) акцияларнинг номинал қийматини ошириш йўли билан кўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар акциядорлар умумий йиғилиши томонидан қабул қилинади	5.2. Жамиятнинг устав фондини (устав капиталини) факатгина кушимча акцияларни жойлаштириш йули билан купайтириш тўғрисидаги ва жамият уставига тегишли узгартишлар киритиш ҳақидаги қарорлар акциядорлар умумий йиғилиши томонидан қабул қилинади.





«Тасдиқланган»
«Samarqand Avtotexxizmat»
Акциядорлик жамияти
Жамоасининг навбатдан ташкари йиғилишининг
2016 йил 16 февралдаги №1 сонли
Баённомаси билан
А.А. Ахтамов

Самарқанд шаҳар ҳокимлиги ҳузуридаги Тадбиркорлик субъектларини
руйхатдан утказиш инспекцияси томонидан 2014 йил 13 ноябр реестрга №11861
ва 2015 йил 26 май реестрга №12622 раками билан ва 2015 йил 19 июн реестрга
№12740 раками билан руйхатдан утказилган

«Samarqand Avtotexxizmat» Акциядорлик жамияти
Низомига киритилган узгартириш матни

Ўзбекистон Республикаси Президентининг 2015 йил 21 декабрдаги № ПК-2454
сонли Карорига асосан

Эски тахрирда	Янги тахрирда
3 МОДДА Жамият устав фондининг (устав капиталининг) миқдори	
3.1. Жамиятнинг устав фонди (устав капитали) акциядорлар олган жамият акцияларининг номинал қийматидан ташкил топади ва Ўзбекистон Республикасининг миллий валютасида ифдаланади.	3.1. Жамиятнинг устав фонди акциядорлар томонидан сотиб олинган акцияларининг умумий номинал қийматидан ташкил топади ва Ўзбекистон Республикасининг миллий валютасида ифдаланади, бунда жамият устав жамгармасига чиқарилган акцияларнинг камида 15 (ун беш) фоизи хорижий инвесторлар уртасида жойлаштирилиши шарт.
4 МОДДА Жамият акцияларининг сони, номинал қиймати, турлари	
	Уставнинг 4 (туртинчи) бобида куйидаги мазмундаги 4.3. пункти билан тулдирилсин: 4.3. Жамият устав фондига чиқарилган ва жойлаштирилган оддий акцияларига қушимча равишда номинал қиймати 1 100 (бир минг бир юз) сумдан булган 235 205 (икки юз уттиз беш минг икки юз беш) дона (эълон қилинган) оддий акцияларни жойлаштиришга ҳақли.
8 МОДДА Жамият бошқарув органлари, уларни шакллантириш тартиби ва ваколатлари	
8.5. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини сайлаш тўғрисидаги, шунингдек Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 58-моддаси биринчи қисмининг ўн иккинчи ва ўн учинчи хат бошиларига мувофиқ жамиятнинг йиллик ҳисоботи жамият ижроия органи ва кузатув кенгашининг жамиятни ривожлантириш стратегиясига эришиш буйича	8.5. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини сайлаш тўғрисидаги, шунингдек Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 58-моддаси биринчи қисмининг ўн иккинчи ва ўн учинчи хат бошиларига мувофиқ жамиятнинг йиллик ҳисоботи жамият ижроия органи ва кузатув кенгашининг жамиятни ривожлантириш стратегиясига эришиш буйича

чиқилади.	курилатган чора-тадбирлар тугрисидаги ҳисоботлари ва бошқа ҳужжатлари кўриб чиқилади.
	Уставнинг 8 (саккиз) бобига қуйидаги мазмундаги 8.8. пункти 19 банди билан тулдирилсин: Жамиятнинг йиллик бизнес-режасини тасдиқлаш акциядорлар умумий йиғилиши ваколатига қиради.
11) жамиятнинг йиллик ҳисоботини тасдиқлаш;	11) жамиятнинг йиллик ҳисоботини ва йиллик бизнес-режасини, шунингдек жамият фаолиятининг асосий йўналишлари ва мақсадидан келиб чиққан ҳолда жамиятни урта муддатга ва узоқ муддатга ривожлантиришнинг аниқ муддатлари белгиланган стратегиясини тасдиқлаш.
8.14. 9) жамиятнинг йиллик бизнес-режасини тасдиқлаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай тасдиқланиши лозим;	8.14. 9) жамиятнинг йиллик бизнес-режасини маъқуллаш акциядорлар кузатув кенгаши ваколатига қиради. (бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай маъқулланиши лозим);
26)Кимматли коғозлар (акция, облигация) чиқарилуви қарори ва эмиссия рисоаларига киритиладиган узгартириш ва (ёки) қушимчалар киритиш ва уларнинг матнини тасдиқлаш агарда ушбу масала акциядорлар умумий йиғилишининг қарорига асосан кузатув кенгашига ҳал қилиш учун берилса.	26)Кимматли коғозлар чиқарилиши, (янги чиқарилиши) тугрисидаги қарорни тасдиқлаш, эмиссия рисоаларини тасдиқлаш, шунингдек, кимматли коғозлар (акция, облигация) чиқарилуви қарори ва эмиссия рисоаларига киритиладиган узгартириш ва (ёки) қушимчалар киритиш ва уларнинг матнини тасдиқлаш.
	Уставнинг 8 (саккиз) бобига қуйидаги мазмундаги 8.14. пункти 27 банди билан тулдирилсин: Жамият устав фондига қушимча акцияларни чиқариш ва жойлатириш йули билан жамият устав фондини қупайтириш.



**«ТАСДИҚЛАНГАН»
«SAMARQAND AVTOTEXXIZMAT»**

**Очик акциядорлик жамияти
акциядорларининг
2014 йил 28 октябрдаги навбатдан
ташқари умумий йиғилишида
№ 2 сонли Баённома билан**



«SAMARQAND AVTOTEXXIZMAT»

**Aksiyadorlik jamiyati
УСТАВИ
(янги таҳрири)**

«SAMARQAND AVTOTEXXIZMAT»

Aksiyadorlik jamiyati

УСТАВИ

Мундарижа

1. Умумий қоидалар
2. Жамият фаолиятининг соҳаси (асосий йўналишлари) ва мақсади
3. Жамият устав фондининг (устав капиталининг) миқдори
4. Жамият акцияларининг сони, номинал қиймати, турлари
5. Жамиятнинг устав фондини (устав капиталини) кўпайтириш ва камайитириш
6. Жамиятнинг фондлари
7. Дивидендларни тўлаш
8. Жамият бошқарув органлари, уларни шакллантириш тартиби ва ваколатлари
9. Жамиятнинг фаолиятини назорат қилиш
10. Яқуний қоидалар



1. Умумий қоидалар

1.1. Ушбу Устав Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни 06.05.2014 й. N УРК-370 (матн давомида - Қонун) ва бошқа қонун ҳужжатлари асосида ишлаб чиқилган.

1.2. Жамият ўз фаолиятини Ўзбекистон Республикасининг Фуқаролик кодекси, Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни ва бошқа меъёрий-ҳуқуқий ҳужжатларга мувофиқ олиб боради.

1.3. «SAMARQAND AVTOTEXXIZMAT» Aksiyadorlik jamiyati Ўзбекистон Республикаси Давлат мулкини бошқариш ва хусусийлаштириш Қўмитаси Самарқанд ҳудудий бошқармасининг давлат корхонасини акциядорлар жамиятига айлантириш тўғрисидаги қарорига мувофиқ 1998 йил 13 апрелдаги 263 п - сонли қарори асосида ташкил этилган.

1.2. Жамиятнинг тўлиқ номи:

- Ўзбек тилида: “SAMARQAND AVTOTEXXIZMAT” Aksiyadorlik jamiyati;
- Рус тилида: Акционерное общество “SAMARQAND AVTOTEXXIZMAT”;
- Инглиз тилида: Joint stock company “SAMARQAND AVTOTEXXIZMAT”.

1.3. Жамиятнинг қисқартирилган номи:

- Ўзбек тилида: “SAMARQAND AVTOTEXXIZMAT” AJ;
- Рус тилида: АО “SAMARQAND AVTOTEXXIZMAT”;
- Инглиз тилида: JSC “SAMARQAND AVTOTEXXIZMAT”.

1.4. Жамиятнинг юридик манзили: 140018, Ўзбекистон Республикаси, Самарқанд шаҳри, Спитаменшоҳ кўчаси, 157-уй.

1.5. Жамиятнинг жойлашган (почта) манзили: 140018, Ўзбекистон Республикаси, Самарқанд шаҳри, Спитаменшоҳ кўчаси, 157-уй.

1.6. Жамиятнинг Интернет тармоғидаги веб-сайти: www.samarqandavtotex.uz

1.7. Жамиятнинг электрон почта манзили: samarqandavtotex@inbox.uz

1.6. Жамият фаолият кўрсатиш муддати чекланмаган ҳолда ташкил этилади.

1.7. Жамият Ўзбекистон Республикаси ҳудудида ва ундан ташқарида банк ҳисобварақлари очишга ҳақлидир.

2. Жамият фаолиятининг соҳаси (асосий йўналишлари) ва мақсади

2.1. Фаолиятнинг асосий предмети. Жамият фаолиятининг асосий фаолияти предмети Ўзбекистон Республикаси қонунчилиги билан тақиқланмаган исталган фаолият ҳисобланади.

2.2 Жамиятни ташкил этишнинг асосий мақсади — даромад олиш. Жамият фаолиятининг предметида Ўзбекистон Республикаси ҳудудида мамлакатнинг ўзида чиқарилган енгил автомобилларни сотишда воситачилик хизматларини кўрсатиш, микроавтобусларнинг, фургонларнинг, юк ташиш автомобилларининг, шунингдек, уларнинг деталлари ва бутловчи қисмлари маркетинги, савдоси, сотиш олди ва сотишдан кейинги техник хизматни кўрсатиш киради.

2.3. Фаолиятининг аниқ мақсад ва вазифаларнинг белгиланиши (санаб ўтилиши). жамият Ўзбекистон Республикаси қонунчилиги билан тақиқланмаган бошқа фаолият турларини олиб боришини чекламайди.

2.4. Жамият ўзининг асосий фаолият предмети доirasида, аммо бу билан чегараланмасдан, қуйидагиларни амалга оширади:



- Жисмоний ва юридик шахсларга тегишли бўлган автотранспорт воситаларига техник хизмат кўрсатиш ва таъмирлаш;
- Жисмоний ва юридик шахсларга тегишли бўлган транспорт воситаларини техник кўриқдан ўтказиш ва тегишли маълумотномалар бериш;
- Автотранспорт воситаларига сикилган ҳамда суюлтирилган газ ускуналарини ўрнатиш, қайта жиҳозлаш, таъмирлаш;
- Автотранспорт воситаларига ўрнатилган газ баллонларини техник аниқлаштириш (идентификация), газ баллонларнинг гидросиновларини ўтказиш ҳамда тегишли маълумотномалар бериш;
- Автомобиль техникасига хизмат кўрсатиш ва таъмирлаш бўйича қоидаларни (қўлланмалар, йўриқномаларни) тайёрлаш, улар бўйича ўқитишни ташкил қилиш;
- Ўзбекистон Республикаси қонунчилигига мувофиқ автотранспорт воситалари бўйича техник экспертизалар ўтказиш ҳамда уларнинг нархини баҳолаб бериш;
- Автомобилсозлик соҳасида янги технологиялар (ноу-хау) кашф қилиш, ишлаб чиқариш ва амалиётга тадбиқ қилиш;
- Озиқ-овқат маъсулотлари ишлаб чиқариш, қайта ишлаш, сотиб олиш ва сотиш;
- Нооziқ-овақт маъсулотлари ишлаб чиқариш, қайта ишлаш, сотиб олиш ва сотиш;
- Қишлоқ хўжалиги маъсулотларини етиштириш, қайта ишлаш, сотиб олиш ва сотиш;
- Қишлоқ хўжалиги техникалари хизматларини кўрсатиш;
- Чакана савдо фаолиятини амалга ошириш;
- Улгуржи савдо фаолиятини амалга ошириш;
- Умумий овқатланиш хизматларини кўрсатиш;
- Қурилиш, қурилиш-монтаж, таъмирлаш, соzлаш ва ишга тушириш ишларини амалга ошириш;
- Лизинг фаолияти;
- Туризм ва меҳмонхона хизматлари;
- Компьютер ва компьютерга оид ишлар ҳамда хизматларни кўрсатиш;
- Автомобилларга (нефт, газ) ёқилги қуйиш шаҳобчаларини ташкил қилиш ва хизмат кўрсатиш;
- Реклама хизматлари кўрсатиш ва реклама маъсулотлари ишлаб чиқариш;
- Жисмоний ва юридик шахсларга йўловчи ва юк ташиш транспорт хизматларини кўрсатиш;
- Автомобилларга тухташ жойларни ташкил қилиш;
- Маиший хизматлар кўрсатиш;
- Воситачилик (дилерлик) фаолиятини амалга ошириш;
- Хайрия ва ҳомийлик фаолиятини амалга ошириш.

2.5. Жамият махсус рухсатнома (лицензия) талаб қиладиган фаолиятни амалга ошириш, учун тегишли махсус рухсатнома (лицензия) олинганидан сўнг ушбу фаолиятни амалга оширишга ҳақли.

3. Жамият устав фонднинг (устав капиталининг) миқдори

3.1. Жамиятнинг устав фонди (устав капитали) акциядорлар олган жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади.

3.2. Жамият Устав жамғармасининг миқдори 586 449 600 (беш юз саксон олти миллион тўрт юз қирқ тўққиз минг олти юз) сўмни ташкил қиладиган.



4. Жамият акцияларининг сони, номинал қиймати, турлари

4.1. Жамият томонидан 533 136 (беш юз уттиз уч минг бир юз уттиз олти) дона эгаси ёзилган оддий акциялар чиқарилган ва жойлаштирилган.

4.2. Жамият акцияларининг номинал қиймати 1100 (бир минг бир юз) сўм.

5. Жамиятнинг устав фондини (устав капиталини) қўпайтириш ва камайтириш

5.1. Жамиятнинг устав фонди (устав капитали) акцияларнинг номинал қийматини ошириш ёки қўшимча акцияларни жойлаштириш йўли билан қўпайтирилиши мумкин.

5.2. Жамиятнинг устав фондини (устав капиталини) акцияларнинг номинал қийматини ошириш йўли билан қўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар акциядорлар умумий йиғилиши томонидан қабул қилинади.

5.3. Қўшимча акциялар мазкур уставда белгиланган эълон қилинган акцияларнинг сони доирасидаги жамият томонидан жойлаштирилиши мумкин.

5.4. Жамиятнинг устав фондини (устав капиталини) қўшимча акцияларни жойлаштириш йўли билан қўпайтириш тўғрисидаги ва жамият уставига тегишли ўзгартишлар киритиш ҳақидаги қарорлар акциядорларнинг умумий йиғилиши томонидан қабул қилинади.

5.5. Жамиятнинг устав фондини (устав капиталини) қўшимча акцияларни жойлаштириш йўли билан қўпайтириш тўғрисидаги қарорда жойлаштириладиган қўшимча оддий акцияларнинг ва имтиёзли акцияларнинг сони, уларни жойлаштириш муддатлари ва шартлари белгиланган бўлиши керак.

5.6. Жамиятнинг устав фондини (устав капиталини) қўшимча акцияларни жойлаштириш йўли билан қўпайтириш жойлаштирилган қўшимча акцияларнинг номинал қиймати миқдорида рўйхатдан ўтказилади. Бунда мазкур уставда кўрсатилган эълон қилинган муайян турдаги акцияларнинг сони ушбу турдаги жойлаштирилган қўшимча акцияларнинг сонига қисқартирилиши керак.

5.7. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи жамият акциядорлари умумий йиғилиши томонидан қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади.

5.8. Жамият акцияларни ва акцияларга айирбошланадиган қимматли қоғозларни очиқ ва ёпиқ обуна воситасида жойлаштиришга ҳақли.

5.9. Жамиятнинг устав фонди (устав капитали) акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда жамият томонидан акцияларни олиш йўли билан камайтирилиши мумкин.

5.10. Жамиятнинг устав фондини (устав капиталини) камайтириш тўғрисидаги ва жамият уставига тегишли ўзгартишлар киритиш ҳақидаги қарорлар акциядорларнинг умумий йиғилиши томонидан қабул қилинади.

5.11. Жамиятнинг устав фондини (устав капиталини) камайтириш тўғрисида қарор қабул қилинаётганда акциядорларнинг умумий йиғилиши устав фондини (устав капиталини) камайтириш сабабларини кўрсатади ва уни камайтириш тартибини белгилайди.

6. Жамиятнинг фондлари

6.1. Жамият устав фондининг (устав капиталининг) ўн беш фоизидан кам бўлмаган миқдорда захира фонди ташкил этилади.

6.2. Жамиятнинг захира фонди мазкур уставда белгиланган миқдорга етгунига қадар соф фойдадан ҳар йилги мажбурий ажратмалар орқали шакллантирилади. Ҳар йилги ажратмаларнинг миқдори жамият уставда белгиланган миқдорга етгунига қадар соф фойданинг беш фоизидан кам бўлмаслиги керак.

6.3. Бошқа маблағлар мавжуд бўлмаган тақдирда, жамиятнинг захира фонди жамиятнинг зарарлари ўрнини қоплаш, жамиятнинг корпоратив облигацияларини муомаладан чиқариш ва жамиятнинг акцияларини қайтариб сотиб олиш учун мўлжалланади.

6.4. Жамиятнинг захира фондидан бошқа мақсадлар учун фойдаланиш мумкин эмас.

6.5. Жамият қонунчиликда белгиланган тартибда бошқа фондларни ташкил этиш ҳуқуқига эга.

7. Дивидендларни тўлаш

7.1. Дивиденд жамият соф фойдасининг акциядорлар ўртасида тақсимланадиган қисмидир.

7.2. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд жамиятнинг қимматли қоғозлари билан тўланилиши мумкин.

7.3. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

7.4. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли. Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

7.5. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади.

Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим.

7.6. Дивидендларни тўлаш муддат ва тартиби акциядорларнинг умумий йиғилиши қарорда белгиланади. Дивидендларни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

8. Жамият бошқарув органлари, уларни шакллантириш тартиби ва ваколатлари

8.1. Акциядорларнинг умумий йиғилиши, кузатув кенгаши ва ижроия органи жамиятнинг бошқарув органларидир.



Акциядорларнинг умумий йиғилиши

8.2. Акциядорларнинг умумий йиғилиши жамиятнинг юқори бошқарув органидир.

8.3. Акциядорларнинг умумий йиғилишини жамият кузатув кенгашининг раиси, у узрли сабабларга кўра бўлмаган тақдирда эса, жамият кузатув кенгашининг аъзоларидан бири олиб боради.

8.4. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

8.5. Акциядорларнинг йиллик умумий йиғилиши молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг кузатув кенгашини ва тафтиш комиссиясини сайлаш тўғрисидаги, шунингдек Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 58-моддаси биринчи қисмининг ўн иккинчи ва ўн учинчи хатбошиларига мувофиқ жамиятнинг йиллик ҳисоботи ва бошқа ҳужжатлари кўриб чиқилади.

8.6. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

8.7. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг кузатув кенгаши томонидан белгиланади.

8.8. Акциядорлар умумий йиғилишининг ваколат доирасига қуйидагилар киради:

- 1) жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;
- 2) жамиятни қайта ташкил этиш;
- 3) жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;
- 4) жамият кузатув кенгашининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;
- 5) эълон қилинган акцияларнинг энг кўп миқдорини белгилаш;
- 6) жамиятнинг устав фондини (устав капиталини) кўпайтириш;
- 7) жамиятнинг устав фондини (устав капиталини) камайитириш;
- 8) ўз акцияларини сотиб олиш;
- 9) жамиятнинг ташкилий тузилмасини тасдиқлаш;
- 10) жамият тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек тафтиш комиссияси тўғрисидаги низомни тасдиқлаш;
- 11) жамиятнинг йиллик ҳисоботини тасдиқлаш;
- 12) жамиятнинг фойдаси ва зарарларини тақсимлаш;
- 13) жамият кузатув кенгашининг ва тафтиш комиссиясининг ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг хулосаларини эшитиш;



14) имтиёзли ҳуқуқни қўлламаслик тўғрисида Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 35-моддасида назарда тутилган қарорни қабул қилиш;

15) акциядорлар умумий йиғилишининг регламентини тасдиқлаш;

16) акцияларни майдалаш ва йириклаштириш;

17) Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 8 ва 9-бобларида назарда тутилган ҳолларда жамият томонидан битимлар тузиш тўғрисида қарор қабул қилиш;

18) мазкур жамият уставига ва қонун ҳужжатларига мувофиқ бошқа масалаларни ҳал этиш.

8.9. Акциядорлар умумий йиғилишининг ваколат доирасига киритилган масалалар жамиятнинг ижроия органи ҳал қилиши учун берилиши мумкин эмас.

8.10. Мазкур уставдаги акциядорлар умумий йиғилишининг ваколат доирасига киритилган масалалар жамиятнинг кузатув кенгаши ҳал қилиши учун берилиши мумкин эмас.

8.11. Қуйидаги масалалар бўйича қарор акциядорлар умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади:

- жамият уставига ўзгартириш ва қўшимчалар киритиш ёки жамиятнинг янги таҳрирдаги уставини тасдиқлаш;
- жамиятни қайта ташкил этиш;
- жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;
- эълон қилинган акцияларнинг энг кўп миқдорини белгилаш;
- жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;
- йирик битим тузиш масаласи.

8.12. Акциядорларнинг умумий йиғилиши томонидан қабул қилинган қарорлар, шунингдек овоз бериш якунлари акциядорлар эътиборига:

- акциядорлар умумий йиғилиши тугаганидан сўнг эълон қилиш;

- акциядорлар умумий йиғилиш баённомаси тузилган санадан икки иш куни давомида муҳим фактлар тўғрисидаги маълумотларни ошкор қилиш йуллари билан етказилади.

Агар жамият акциялари фонд биржасининг листингига киритилган бўлса жамият фонд биржасининг расмий веб-сайтида тегишли ахборотни эълон қилиши шарт.

Шунингдек, жамият томонидан тегишли маълумотлар жамиятнинг расмий веб-сайтида ҳам эълон қилинади.

Кузатув кенгаши

8.13. Жамият кузатув кенгаши 5 (беш) нафар аъзодан иборат бўлиб, улар жамият Акциядорлар умумий йиғилиш томонидан 1 йил муддатга сайланадилар.

8.14. Жамият кузатув кенгашининг ваколат доирасига қуйидагилар кирази:

- 1) жамият фаолиятининг устувор йўналишларини белгилаш;
- 2) акциядорларнинг йиллик ва навбатдан ташқари умумий йиғилишларини чақириш, бундан Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни 65-моддасининг ўн биринчи қисмида назарда тутилган ҳоллар мустасно;
- 3) акциядорлар умумий йиғилишининг кун тартибини тайёрлаш;
- 4) акциядорларнинг умумий йиғилиши ўтказиладиган сана, вақт ва жойни белгилаш;
- 5) акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;
- 6) Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонунининг 59-моддаси биринчи қисмининг иккинчи хатбошисида назарда тутилган масалаларни акциядорларнинг умумий йиғилиши ҳал қилиши учун киритиш;
- 7) мол-мулкнинг бозор қийматини белгилашни ташкил этиш;
- 8) жамиятнинг ижроия органини тузиш, унинг бошқарув раисини ва бошқарув аъзоларини сайлаш (тайинлаш), раҳбарнинг ва бошқарув аъзоларининг ваколатларини муддатидан илгари тугатиш;
- 9) жамиятнинг йиллик бизнес-режасини тасдиқлаш. Бунда жамиятнинг келгуси йилга мўлжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай тасдиқланиши лозим;
- 10) ички аудит хизматини ташкил этиш ва унинг ходимларини тайинлаш, шунингдек ҳар чоракда унинг ҳисоботларини эшитиб бориш;
- 11) жамият ижроия органининг фаолиятига дахлдор ҳар қандай ҳужжатлардан эркин фойдаланиш ва жамият кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Жамият кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- 12) аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;
- 13) жамиятнинг тафтиш комиссияси аъзоларига тўланадиган ҳақ ва компенсацияларнинг миқдорлари юзасидан тавсиялар бериш;
- 14) дивиденд миқдори, уни тўлаш шакли ва тартиби юзасидан тавсиялар бериш;
- 15) жамиятнинг захира фондидан ва бошқа фондларидан фойдаланиш;
- 16) жамиятнинг филиалларини ташкил этиш ва ваколатхоналарини очиш;
- 17) жамиятнинг шўъба ва тобе ҳўжалик жамиятларини ташкил этиш;
- 18) Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунининг 8 ва 9-бобларида назарда тутилган ҳолларда битимлар тузиш ҳақида қарор қабул қилиш;
- 19) жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
- 20) ижроия органига тўланадиган ҳақ ва компенсацияларнинг миқдорларини белгилаш;



21) Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 34-моддасига мувофиқ акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;

22) жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

23) қимматли қоғозларнинг ҳосилаларини чиқариш тўғрисида қарор қабул қилиш;

24) жамиятнинг корпоратив облигацияларини қайтариб сотиб олиш тўғрисида қарор қабул қилиш;

25) қимматли қоғозлар (акция, облигация) чиқарилуви қарори ва эмиссия рисоласини тасдиқлаш, агарда ушбу масала акциядорлар умумий йиғилишининг қарорига асосан кузатув кенгашига ҳал қилиш учун берилса;

26) қимматли қоғозлар (акция, облигация) чиқарилуви қарори ва эмиссия рисолаларига киритиладиган ўзгартириш ва (ёки) қўшимчалар киритиш ва уларнинг матнини тасдиқлаш агарда ушбу масала акциядорлар умумий йиғилишининг қарорига асосан кузатув кенгашига ҳал қилиш учун берилса.

8.15. Жамият кузатув кенгашининг ваколат доирасига Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни, бошқа қончилик ҳужжатлари ва мазкур уставга мувофиқ бошқа масалаларни ҳал этиш ҳам киритилиши мумкин.

8.16. Жамият кузатув кенгашининг ваколат доирасига киритилган масалалар ҳал қилиш учун жамиятнинг ижроия органига ўтказилиши мумкин эмас.

8.17. Жамият кузатув кенгашининг аъзолари акциядорларнинг умумий йиғилиши томонидан бир йил муддатга сайланади. Жамият кузатув кенгашининг сон таркиби 5 кишидан иборат.

8.18. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.

8.19. Жамият бошқаруви раиси ва аъзолари жамиятнинг кузатув кенгашига сайланиши мумкин эмас.

8.20. Айти шу жамиятда меҳнат шартномаси (контракт) бўйича ишлаётган шахслар жамиятнинг кузатув кенгаши аъзоси бўлиши мумкин эмас.



8.21. Жамиятнинг кузатув кенгаши аъзолари сайлови кумулятив овоз бериш орқали амалга оширилади.

8.22. Кумулятив овоз беришда ҳар бир акциядорга тегишли овозлар сони жамиятнинг кузатув кенгашига сайланиши лозим бўлган шахслар сонига кўпайтирилади ва акциядор шу тарихда олинган овозларни битта номзодга тўлиқ беришга ёки икки ва ундан ортиқ номзодлар ўртасида тақсимлашга ҳақли.

8.23. Энг кўп овоз тўплаган номзодлар жамият кузатув кенгашининг таркибига сайланган деб ҳисобланади.

8.24. Жамият кузатув кенгашининг раиси кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан кузатув кенгаши аъзолари томонидан сайланади.

8.25. Жамиятнинг кузатув кенгаши ўз раисини кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.



8.26. Жамият кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, акциядорларнинг умумий йиғилишида раислик қилади.

8.27. Жамият кузатув кенгашининг мажлиси кузатув кенгашининг раиси томонидан унинг ўз ташаббусига кўра, жамият кузатув кенгаши, тафтиш комиссияси, ижроия органи аъзосининг талабига кўра чақирилади.

8.28. Жамият кузатув кенгаши мажлислари унинг раиси томонидан ҳар чоракда камида бир марта чақирилади.

8.29. Жамият кузатув кенгашининг мажлисини ўтказиш учун кворум жамият кузатув кенгашига сайланган аъзоларнинг етмиш беш фоизидан кам бўлмаслиги керак.

8.30. Жамият кузатув кенгашининг мажлисида масалалар ҳал этилаётганда кузатув кенгашининг ҳар бир аъзоси битта овозга эга бўлади.

8.31. Жамият кузатув кенгашининг бир аъзоси ўз овозини кузатув кенгашининг бошқа аъзосига беришига йўл қўйилмайди.

8.32. Жамият кузатув кенгашининг раиси кузатув кенгаш аъзоларининг овози тенг бўлган ҳолларда ҳал қилувчи овозга эга.

Ижроия органи

8.33. Жамиятнинг кундалик фаолиятига коллегиял ижроия орган - Жамият Бошқаруви раҳбарлик қилади. Жамият Бошқаруви 5 (беш) нафар аъзодан иборат бўлиб, улар жамият Кузатув кенгаши томонидан 1 йил муддатга сайланадилар

8.34. Жамият Бошқарувнинг ваколатига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ёки жамият кузатув кенгашининг ваколат доирасига киритилган масалалар бундан мустасно.

8.35. Жамиятнинг Бошқарув Раиси акциядорлар умумий йиғилишининг ва жамият кузатув кенгашининг қарорлари бажарилишини ташкил этади.

8.36. Жамиятнинг Бошқарув Раиси номидан ишончномасиз иш юритади.

Бошқарув Раисининг ваколатларига қуйидагилар киради:

- мазкур устав ва Кузатув кенгаши томонидан ўзига берилган ваколатларга мувофиқ Жамиятнинг ишига раҳбарлик қилиш;
- Кузатув кенгашининг розилигига кўра унинг ишида маслаҳат овози билан иштирок этиш;
- Жамият номидан ишончномасиз иш юритиш ва унинг манфаатларини ҳимоя қилиш;
- Жамият номидан битимлар тузиш, жамиятнинг филиали ёки ваколатхонаси раҳбарини тайинлаш;
- шартларни тасдиқлаш, Жамият ходимларини ишга қабул қилиш, улар билан меҳнат шартномаларини тузиш ва бекор қилиш, уларга нисбатан интизомий жазо чораларини қўллаш;
- Жамият номидан амалдаги қонунчиликка асосан ишончномаларни бериш;
- Жамиятнинг барча ходимлари томонидан бажарилиши мажбурий бўлган буйруқ ва кўрсатмалар бериш;
- ўз ваколатлари доирасида Жамиятнинг самарали ва барқарор ишлашини таъминлаган ҳолда унинг жорий фаолиятига раҳбарлик қилиш;

- 8.37. Акциядорлик жамиятининг бошқаруви аъзоларига қуйдагилар киради:

- 8.38. Жамият бошқаруви раиси ва аъзоларининг ҳуқуқ ва мажбуриятлари қонун ҳужжатларида, мазкур уставда, лавозим йўриқномасида ҳамда уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддати уни узайтириш ёки уни бекор қилиш мумкинлиги тўғрисида ҳар йили қарор қабул қилинади. Шартнома жамият номидан жамият кузатув кенгашининг раиси ёки кузатув кенгаши ваколат берган шахс томонидан имзоланади. Жамият бошқаруви раиси билан тузиладиган шартномада унинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес-режасини бажариш қандай бораётганлиги юзасидан акциядорларнинг умумий йиғилиши ва жамият кузатув кенгаши олдида берадиган ҳисоботларининг даврийлиги назарда тутилиши керак.

8.40. Жамиятнинг Бошқарув Раиси вазифаларини бошқа ташкилотларнинг бошқарув органларидаги лавозим билан биргаликда эгаллаб туришга фақат жамият кузатув кенгашининг розилиги билан йўл қўйилади.


8.41. Акциядорларнинг умумий йиғилиши жамиятнинг Бошқарув Раиси ва/ёки аъзолари билан тузилган шартномани улар шартнома шартларини бузган, улар жамият уставини қўпол тарзда бузса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса тақдирда тугатишга (бекор қилишга) ҳақли.

8.42. Жамият кузатув кенгаши жамиятнинг Бошқарув Раиси ва/ёки аъзолари билан тузилган шартномани, агар улар мазкур уставни қўпол тарзда бузса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса, муддатидан олгари тугатиш (бекор қилиш) ҳуқуқига эга.

8.43. Акциядорларнинг умумий йиғилиши ёки жамият кузатув кенгаши томонидан жамият Бошқарув Раисининг ваколатларини тугатиш тўғрисида қарор қабул қилинган тақдирда, жамият Бошқарув Раиси ваколатларини бошқа шахсга ўтказиш тўғрисидаги масала ўша йиғилишнинг ўзида ҳал этилиши мумкин.

9. Жамиятнинг фаолиятини назорат қилиш

- 9.1. Жамиятнинг молия-хўжалик фаолиятини назорат қилиш учун акциядорларнинг умумий йиғилиши томонидан бир йил муддатга 3 аъзодан иборат тафтиш комиссияси сайланади.
- 9.2. Жамият тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс айни бир жамиятнинг тафтиш комиссияси таркибига кетма-кет уч мартадан ортиқ сайланиши мумкин эмас.
- 9.3. Жамият тафтиш комиссиясининг ваколат доираси қонун ҳужжатлари ва жамиятнинг мазкур устави билан белгиланади.
- 9.4. Жамият тафтиш комиссиясининг фаолият кўрсатиш тартиби акциядорларнинг умумий йиғилиши томонидан тасдиқланадиган низомда белгиланади.
- 9.5. Жамият тафтиш комиссиясининг ёзма талабига кўра жамият ижроия органида мансабни эгаллаб турган шахслар жамиятнинг молия-хўжалик фаолияти тўғрисидаги ҳужжатларни тафтиш комиссиясига тақдим этиши шарт.
- 9.6. Тафтиш комиссиясининг аъзолари бир вақтнинг ўзида жамият кузатув кенгашининг аъзоси бўлиши, шунингдек айни шу жамиятда меҳнат шартномаси (контракт) бўйича ишлаши мумкин эмас.
- 9.7. Жамиятнинг молия-хўжалик фаолиятини текшириш тафтиш комиссиясининг, акциядорлар умумий йиғилишининг, жамият кузатув кенгашининг ташаббусига кўра ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра жамият кузатув кенгашини олдиндан хабардор қилиш йўли билан бир йиллик ёки бошқа давр ичидаги фаолият якунлари бўйича амалга оширилади.
- 9.8. Жамиятнинг молия-хўжалик фаолиятини текшириш якунларига кўра жамиятнинг тафтиш комиссияси хулоса тузади, бу хулосада:
- жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;
 - бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.
- 9.9. Тафтиш комиссияси жамиятда аффилланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда жамият кузатув кенгашининг мажлисига олиб чиқади. Ушбу уставнинг 9.8. бандида кўрсатилган ахборотни ўз ичига олган хулоса акциядорларнинг йиллик умумий йиғилишида эшитилади.
- 9.10. Ички аудит хизмати жамиятнинг кузатув кенгашига ҳисобдордир.
- 9.11. Жамиятнинг ички аудит хизмати жамиятнинг ижроия органи, филиаллари ва ваколатхоналари томонидан қонун ҳужжатларига, жамият уставига ва бошқа ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда акс эттирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек жамиятни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали жамиятнинг ижроия органи, филиаллари ва ваколатхоналари ишини назорат қилади ҳамда баҳолайди.



9.12. Аудиторлик ташкилоти жамият билан тузилган шартномага мувофиқ қонун ҳужжатларида белгиланган тартибда жамият молия-хўжалик фаолиятининг текширилишини амалга оширади ва унга аудиторлик хулосасини тақдим этади.

9.13. Аудиторлик ташкилоти жамиятнинг молиявий ҳисоботи ва молияга доир бошқа ахборот ҳақидаги нотўғри хулосани ўз ичига олган аудиторлик хулосаси тузилганлиги оқибатида етказилган зарар учун жамият олдида жавобгар бўлади.

10. Якуний қоидалар

10.1. Устав бўйича белгиланмаган қоидалар Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунни ва Ўзбекистон Республикасининг бошқа қонун ҳужжатлари талабларига асосан амалга оширилади.

10.2. Устав бўйича келиб чиқадиган барча низо ва келишмовчиликлар акциядорларнинг ўзаро келишуви йули билан амалдаги қонун ҳужжатлари ва ушбу уставга асосан ҳал қилинади.

10.3. Низо ва келишмовчиликларни музокаралар йули билан ҳал қилиш имконияти бўлмаган тақдирда улар тегишли равишда суд орқали ҳал қилинади.

10.4. Мазкур Устав Ўзбекистон Республикасининг қонун ҳужжатларида белгиланган тартибда давлат рўйхатига олинган вақтдан бошлаб кучга киради.



SAMARQAND SHAHAR
YER TUZISH VA KO'CHMAS
MULK KADASTRI DAVLAT KORXONASI

Kadastri kitobi № 280 varag'ida № 199 raqam bilan

04 2015 yilda ro'yxatdan o'tkazilgan

DAVLAT

Imzo:



SAMARQAND SHAHAR
YER TUZISH VA KO'CHMAS
MULK KADASTRI DAVLAT KORXONASI

Kadastri kitobi № 100 varag'ida № 52 raqam bilan

2015 yilda ro'yxatdan o'tkazilgan

MO'

DAVLAT
RO'YXATDAN
O'TKAZUVCHISI



Продумано и проммеровано
Председатель Правления
ОАО «СамаркандАвтотеххимизмат»
А.Ахтанов